

大藏聖教法寶標目卷第九

岱九

相五聖凡後商

釋迦方志二卷

釋迦譜五卷 緣

元清源居士王古撰

右梁僧祐撰舊十卷今合之一釋迦始祖  
二姓瞿曇三六世祖四降生成佛五七佛  
種姓衆數同異六三千佛緣七内外族姓  
名八弟子姓緣九四部名聞第十

釋迦氏譜

右唐終南釋氏以僧祐譜文繁多述此一  
所依賢劫二民族三所託方二四法王化

經律異相五十卷 仙傍

崇佛教

永樂北藏

大藏聖教法寶標目

第一七七冊

右梁天監中勑僧旻等及稟武帝節略經

律論事凡六部一天二地三佛四諸釋五

菩薩六聲聞比丘尼人鬼神雜畜地獄

陀羅尼雜集十卷 啓

右集諸經佛菩薩仙天真言而未詳集者

出三藏記集十五卷 楠肆

右僧祐撰考校自古譯經先後存亡真偽

總別以類分目又集諸家所作經序記等

及歷代高僧俗士問答注解律論目錄

衆經目錄七卷

僧可洪序其文重複真俗雜亂傳寫訛誤

諸經要集二十卷 甲對

右唐西明寺釋道世集三寶等三十部序

歷代三寶記 延

決教法修行儀軌罪福果報等諸經要義各以類從因述勸誡

右隋僧法經等撰類次衆經律論一譯再譯數譯失譯及重出別生疑偽別生謂抄

歷代三寶記 延

右隋翻經學士費長房撰首以編年敘自周已來佛生滅譯經獲瑞像等事迹次編

類譯歷代經及譯人事迹次類大小乘經  
目以開皇三寶總錄次帝年次代錄次入

藏經次總目

衆經目錄五卷 設

右唐釋靜泰撰凡二千餘部六千餘卷一

單本二重翻至六翻及聖賢集傳三入藏  
及別生四疑偽五闕本凡經各有紙數

大唐內典錄十卷 席鼓

石西明寺釋氏道宣撰序歷代所譯經次  
分大小乘次入藏次數譯從一次別出攝

歸本部次闕本次注解次流化次疑偽次  
錄目終次應感

大周刊文衆經目錄十五卷 瑟吹

續大唐內典錄

右釋智昇撰序經目續麟德至開元所譯

古今譯經圖紀四卷

四九

三

右唐釋靖邁撰序次逐代譯人事迹并所

譯經律論目

續古今譯經圖紀

右釋智昇撰慈恩寺翻經院圖畫古人傳

譯緇素三藏邁公撰題後有藻繪而無題

記今續之并序譯人事迹并所譯經目

開元釋教錄二十卷 筏階

右釋智昇撰前十卷總序歷代所譯經律

論目後十卷分大小乘經論集有譯無譯

闕本疑僞別生異名重載亦有增損拾遺  
一切經音義二十五卷 納轉

右貞觀沙門玄應撰逐經音釋并唐梵字

義

華嚴經音義二卷

右唐沙門慧究述

西域記十二卷 疑星

右唐奘法師譯沙門辯機撰敘西域諸國  
風土城邑興廢佛法遺迹

集古今佛道論衡四卷

右西明寺釋氏撰敘歷代僧與道士對辯  
勝負

續古今佛道論衡

右叙佛法初來道士比較勝負事

傳法記 右

右叙佛法初來道士比較及孫權等試驗事

集神州三寶感通錄三卷

右道宣律師撰一述見諸天問答教迹戒律事二述歷代瑞像三初述聖寺次述聖

卷九  
教末述神僧事

集沙門不拜俗事六卷

右沙門彥琮纂序晉至唐奉議書詔不拜俗事

三藏法師傳十卷 通

右叙玄奘法師取經事

求法高僧傳二卷

廣內

右唐沙門義淨自西國還在南海室利弟逝國撰寄歸敘中國及交州新羅往天竺求法僧大抵多病難及住不迴者及那爛陀寺圖

高僧傳十四卷

右梁僧慧皎撰一譯經二義解三神異四習禪五明律六亡身七誦經八興福九經師十導師論稱昔高僧本以八科成傳今

以經導雖末而悟俗可崇故加二條足成  
十數

法顯傳

右法顯自述往來天竺取經等事  
卷九

五

續高僧傳三十卷 左明

右唐釋道宣撰十例一譯經二解義三習

五

禪四明律五護法六感通七遺身八讀誦

九興福十雜科又曰聲德傳稱凡此十條  
世罕兼美今就其尤最者隨篇擬論

辯正論八卷 既

歸心有地十二

破邪論二卷

右唐釋法琳撰陳子良序并注以道士李  
冲卿劉進喜等謗法乃作此論三教治道

一代奉佛二佛道先後三釋李師資四  
十喻五九箴六氣爲道本七信毀交報八  
品藻衆書九出道僞繆十歷世相承十一

十門辯惑論三卷 集

右唐大慈寺釋復禮答太子文學權無三

釋典稽疑十門一通力上感二應形俯化  
三淨穢二別四迷悟見殊五顯實得記六  
反經讚道七觀業救捨八隨教抑揚九化  
佛隱顯十聖王興替

甄正論三卷

右僧立疑撰辯靈寶化胡等經虛偽

弘明集十四卷 墳

右梁僧祐集并序集古今僧俗衛法諸文  
及製述於佛有益者以類編次

廣弘明集三十卷 典群

右唐釋道宣集一歸正二辯惑三佛德四  
法義五僧行六慈濟止殺七戒功八啓福  
悔罪九統歸賦論詩讚凡九篇

南海寄歸內法傳四卷 英

右唐三藏義淨撰用西域所見僧律儀依  
公九根本律集四十章以證東土違失

比丘尼傳四卷

右梁釋寶唱撰傳自晉升平訖梁天監凡  
六十五人

集諸經禮懺儀二卷

右唐釋智昇撰集諸經禮佛讚偈懺罪儀法願生淨土上卷末云故信行禪師依經自行此法以世無正文故集此書下卷錄比丘善導等所集願生淨土讚偈等

說罪要行法

右三藏義淨撰半月月盡憶所犯罪說罪

受用三水要行法

右三藏義淨撰依聖教及西土現所行律

為此方之式

護命放生軌儀法

右三藏義淨撰述瀘水得虫放生器并法大方廣佛華嚴經四十卷

杜隸此下貞元譯右南天竺烏茶國王手

卷九

七

自書寫華嚴經百千偈中善財童子參五

十五聖者入不思議解脫境界普賢行願品并書來進唐德宗貞元中詔三藏般若譯成四十卷即是實叉難陀所譯第六十一卷至八十卷入法界品同本而貞元本

文廣事詳幾增一倍若普眼長者甘露火  
王妙德圓滿主林神最寂靜婆羅門等法  
門奇特多舊所未出又實又本第八十卷  
未有流通分而貞元本末卷之首爾時普  
賢稱讚如來勝功德已乃是聯環第八十  
卷末前偈次說十大願王卷末列衆部信  
受奉行即本末具備方見前八十卷末品  
來文未足

守護國界陀羅尼經十卷 漆

右佛於菩提樹下與大菩薩八萬四千及

諸天人等說此守護國界陀羅尼有三十  
二修陀羅尼法十六種如來大悲三十二  
種如來甚深事業種種莊嚴法門持誦儀  
軌等第十卷末阿闍世王問人命終墮惡  
道或生人天云何得知誰人曾見佛說當  
墮地獄者有十五種相生餓鬼者有八種  
相生畜生者有五種相當生人天者各有  
十相詳如本經教誡切至

大集大虛空藏菩薩所問經八卷 書

右貞元中不空譯與大集經中虛空藏菩

薩品本同譯別文理互有詳略

大乘密嚴經三卷

右不空譯與墨字函經同本異譯

大乘理趣六波羅蜜多經十卷

璧

右慈氏菩薩問甚深般若波羅蜜多大乘

功德無盡法門不可思議佛說三寶功德

六波羅蜜廣大微妙法門說逐品法門時

各有無量菩薩得無生忍數十萬衆生發

菩提心經末讚說此經廣大殊勝功德

十地經九卷

大寶廣博樓閣善住祕密陀羅尼經三卷

右與悲字函經本同譯別

大雲輪請雨經二卷

右與大字函經本同譯別

大孔雀明王經三卷

右貞元中尸羅達摩譯與華嚴十地品本同經初云薄伽梵成道未久第二七日住

他化自在天王宮與異類佛刹來集菩薩衆金剛藏菩薩說十地品餘文或有小異

處

右與男字函經本同譯別

慈氏菩薩緣生稻稈喻經

右與傷字函經本同譯別

已上無譯

瑜伽金剛性海曼殊室利千臂千鉢大教王

經十卷

羅

四九

九

右瑜伽金剛五頂五智尊千手千鉢鉢中

千佛文殊祕密菩提三摩地一切如來大

教王入佛心三密三十支智鏡性海具足

一切法入毗盧遮那灌頂法門五智五頂

五如來解脫門一切諸佛菩提根本文殊

無盡甚深十大願十六大士十大菩薩行

願功德持誦修證法門

大乘本生心地觀經八卷 將

右佛在耆闐崛山與三萬二千阿羅漢八

萬四千一生補處菩薩八部眷屬百千萬

億圍繞供養佛放大光明照十方界時次  
補彌勒大菩薩師子吼說偈讚佛願為演  
說心地觀門大乘妙法引導衆生令入佛  
智文殊彌勒諸大菩薩與佛問答微妙法  
義佛說有四恩德不可得報一父母恩若

時割自身肉以養父母未能報恩應勤孝  
養若人供佛福等無異二者衆生以其多  
生互爲父母故於一切時亦有大恩舊恩  
未報宜互饒益三者國王恩護持衆生使  
安樂故四者三寶恩利樂衆生不可思議  
故佛法僧寶功德名真福田復說三者何  
故名寶詳如本經二卷上第次說持戒懺悔  
及三身功德法寶利益卷第三次比較出家  
在家功德過患第四佛言出家比丘常當  
晝夜如是觀察我得人身諸根具足從何

處沒來生此間於三界中當生何處於四  
大洲六道之中受生何道以何因緣免八  
難身莊嚴劫千佛已涅槃星宿劫千佛未  
出現住賢劫幾佛涅槃幾佛未出何時彌  
勒下生人間今我身中有何善業戒定慧  
學當有何德過去佛皆已不遇未來佛得  
見不耶現在凡夫地三毒煩惱何者最重  
一生已來造何罪業種何善根我此身命  
能得幾時是日已過命隨減少猶如牽羊  
詣彼屠所漸漸近死何所逃避身壞命終

當生何處三惡道苦如何脫免勿貪世間  
受五欲樂精勤修習如救頭然懺悔先罪  
調伏其心名真出家披福田衣不貪知足  
常行乞食醫藥知足住阿蘭若離喧囂心  
如是四無垢性甚深法門各各有十種功  
德受持讀習解說書寫現世獲大福智命  
終必生知足天宮奉觀彌勒若願生十方  
佛土隨願見佛第五  
卷離世間品說住阿蘭若處功德利益歟身品說有漏身三十七  
種不淨穢惡不堅牢過患第六  
卷波羅密品

說十波羅密乃至八萬四千波羅密法觀  
心品文殊問佛云何爲心地大妙智印佛  
告文殊勝祕密心地法門名一切凡夫入  
如來地頓悟法門名一切菩薩趣大菩提  
真實正路名三世諸佛自受法樂微妙寶  
宮名一切鏡益有情無盡法藏能引諸菩  
薩衆到自在智處是最勝法幢是大師子  
吼三界之中以心爲王能觀心者究竟解  
脫不能觀者究竟沉淪衆生之心猶如大  
地五穀五果從大地生如是心法生世世

善惡五趣有學無學獨覺菩薩及於如來三界唯心心名爲地一切凡夫親近善友聞心地法如理修行速圓衆行疾得菩提文殊白佛心法本無不染塵穢云何心法染貪瞋癡過去已滅未來未至見在之心不住內外中間都不可得本無形相無有住處一切如來尚不見心何況餘人佛答微妙廣如本經文殊白佛凡夫初心依何等處觀何等相佛言凡夫所觀菩提心相猶如清淨圓滿月輪於眉臆上明朗而住

五十由旬無垢明淨內外澄澈最極清淨月即是心心即是月塵翳無染妄想不生能令衆生身心清淨堅固不退有加持真言印法等說遂品法門時新發意菩薩人天婆羅門海衆發菩提心得法眼淨住不退轉乃至十地妙覺者四萬八萬四千以至阿僧祇不可說一切有情等皆當得菩提佛說此經利益安樂一切衆生凡夫身便入佛地信解此經一四句偈其福不可思量勝以恒河沙大千世界滿中七寶供

養十方諸佛菩薩精舍寶塔等十六分不

及一

大方廣入法界品四十二字觀

相

右譯翻梵字并出觀法

護國仁王般若經二卷

廿九

右與羽字函經同本

十三

七俱胝佛母准提陀羅尼經

右說持誦功德儀範

大聖文殊師利菩薩莊嚴經三卷

右與鳥字函文殊受記經同本異譯

普偏光明大隨求陀羅尼經二卷

右說持誦寫戴有種種殊勝功德

熾盛光佛頂銷災陀羅尼經

右佛說除一切災難法能成就八萬種吉祥事能除滅八萬種不吉祥事

金剛頂瑜伽真實大教王經三卷

路

右說持誦印呢求願降伏等法

一字奇特佛頂經三卷

右說持誦有種種殊勝功德

文殊所說宿曜經二卷

右說日月五星二十七宿

唐二十八

十二宮分

年月日時所主吉凶諸法

菩提道場所說一字頂輪王經五卷

俠

呵哩哆羅陀羅尼阿嚕力經

大威力烏芻瑟摩明王經二卷

右三經皆說持誦祈呪有大應驗種種法

一髻尊陀羅尼經

槐

右觀世音說陀羅尼利益衆生結界建壇

持誦護摩種種祈願降伏息災成就諸法

末利支提婆華鬘經

右佛說末利支天常在日前行日不見彼

彼能見日王難賊難行路曠野晝夜水火  
鬼難毒難中救護衆生印壇持誦滿種種  
願鬼蠱虫蛇種種瘡病解厄求財除睡縛

賊等法

大方廣曼殊室利經

右說持呪畫像印壇祈願等法

般若心經

普偏智藏般若波羅密多心經

右即是般若心經與什法師奘法師譯小

有增多

雨寶陀羅尼經

右妙月長者多眷屬少資財又多疾病告  
佛佛爲說此經令滿所願

摩利支天經

右與才字函經本同譯別

文殊問字母經

右佛答文殊問一切諸法入於字母及陀

羅尼字法

瑜伽念珠經

右金剛手菩薩說珠表勝果中間滿爲斷  
漏線貫串表觀音母珠表無量壽不可驕  
越過校量木鐵水晶菩提子等得福之量

木槐經

卷九

十四

右國王問國貧民困不得安卧求佛法要  
佛說木槐子持誦法莎斗比丘誦三寶名  
滿十歲得斯陀含果今在普香世界作辟

支佛

大吉祥天女經

右受持名號除一切怖畏逼惱貧窮橫  
等有一百八名

出生無邊門陀羅尼經

右佛召集十方諸大菩薩說此陀羅尼持  
誦有殊勝功德

觀自在說普賢陀羅尼經

右說持誦祈願殊勝種種功德

八大菩薩曼茶羅經

右佛說有八曼茶羅是觀音慈氏虛空藏  
華賢金剛手文殊除蓋障地藏甚深法要

依法建立一徧者十惡五逆謗方等罪皆  
悉消滅一切所求善利勝願皆得成就  
除一切疾病陀羅尼經

右佛說陀羅尼除宿食不消霍亂風黃痰  
癰瘍癰淋瀝上氣嗽瘡寒熱頭痛著鬼悉

得除差

能淨一切眼疾病陀羅尼經

右佛說此陀羅尼令眼無垢翳一切疾病

毗沙門天王經

右毗沙門天王白佛我願利樂諸有情等

豐饒財寶設持國界此陀羅尼如摩尼寶  
能滿衆願說持誦祈願種種勝妙功德法

救拔焰口餓鬼陀羅尼經

右與羔字函面然經同本異譯

仁王般若念誦法經

右佛說仁王般若道場儀軌十法

瑜伽駢迦一字頂輪王瑜伽經

右說建道場持誦儀軌功德

迴向輪經

右佛說持誦此密言一偈得百梵福夢常

見佛諸罪消滅

十力經

右說佛具十種大智力故得名如來

金輪正念誦法

右諸佛頂經中廣說持誦儀軌今但

晨暮修行要略之法

華嚴長者問佛那羅延力經

右較量牛象師子等力各各十倍增勝唯

佛一一節中皆具八萬四千六百六十三

種那羅延力

金剛頂瑜伽深密門

右說持誦種種深妙儀軌法

十一面觀自在菩薩心密言念誦儀軌三卷

僧力  
鄉

右說持呪壇印畫像供養祈願種種法門

菩提場莊嚴陀羅尼經

葉衣觀自在菩薩經

右皆說持誦祈願種種法

一切如來金剛壽命陀羅尼經

右佛說此呪爲令衆生壽命色力皆得成

就無死夭怖

穰麌梨童女經

右能除世間一切諸毒毒虫毒蛇毒藥呪  
毒蠱毒魅毒皆不能害

一切如來心祕密全身舍利寶篋印陀羅尼

經

右與兵字函經同本

大方廣如來藏經

右與過字函經本同

金剛恐怖集會方廣軌儀經

右說持誦祈願勝妙功德法門

金剛頂瑜伽經十八會指歸

右說金剛頂瑜伽十八會修持法要

大吉祥天女十二名號經

右說持誦天女名號功德

穢迹金剛法禁百變經

穢迹金剛陀羅尼法術靈要門

右說持誦此呪能除一切病苦除遣一切

鬼祟邪魅救度衆生滿一切願降伏一切

凶惡鬼神除伏連虫獸等皆不能爲害有

結印服符等法

曼殊師利童子五字法

金剛頂瑜伽經

觀自在菩薩如意輪瑜伽經

右並說持誦祈願等法

千手千眼廣大圓滿無礙呪

右與繫宇函伽梵達磨所譏文別

千手千眼根本真言

右與前呪不全同亦有略注說法義處

仁王般若陀羅尼釋

右略解本經

訶利帝母真言法

右說治病滿願保胎求男女等法

不動使者陀羅尼祕密法

金剛頂經瑜伽修習毗盧遮那三摩地法

大樂金剛不空真實三摩耶法

大日經略攝念誦修行法

金剛頂修行法

大毗盧遮那成佛神變行法

速疾立驗魔醯首羅尼奢法

金剛頂降三世大儀軌

金剛瑜伽文殊菩薩法

金剛頂瑜伽觀自在修行儀軌

仁王般若念誦法

右十一儀軌各說持誦殊勝功德壇印供

養攝召降伏種種祈願隨意成就法卷九

佛爲優填王說王法政論經

右與壁字彙王法正理論本同

金剛瑜伽中發菩提心論

右大廣智說修瑜伽人身雖人身心同佛

心以祕密加持頓同諸佛華嚴經云無一衆生而不具有如來智慧但以妄想顛倒執著而不證得若離妄想一切智自然智無礙智則得現前知一切衆生究竟成佛又云信解清淨心自悟不由他具足同如來則超凡夫位入佛所行處生在如來家令修行者觀照本心湛然清淨猶滿月徧虛空皎潔分明合普賢之心速具一切智金剛童子菩薩成就儀軌經三卷 封毗盧遮那佛灌頂真言

文殊菩薩根本大教王金翅鳥經

觀自在修多羅瑜伽念誦法

右四經各說持誦祈願種種法門

大藥叉女愛子成就法經

右神名歡喜母是婆多大藥叉將之女婢

散脂大將生五百子有五千眷屬常在支那國護持世界此經說持誦供養功德種種祈願法門佛付囑令勤守護衆生以至法滅

大樂金剛不空理趣釋

陀羅尼門諸部要目

右略說瑜伽經都十萬偈有十八會經說

五部中方佛部毗盧遮那爲部主東方金

剛部阿閦佛爲部主南方寶部寶生佛爲

部主西方蓮華部阿彌陀佛爲部主北方

羯磨部不空成就佛爲部主五部主各有

四菩薩爲眷屬四部前右左背而安列外

四部四門鈞索鑣鈴四方十六大菩薩六

曼茶羅二十五種爐護摩等法事要目

般若理趣不空三昧真實菩薩十七聖大曼

荼羅義述

右略舉十七清淨三摩地成證法門

大乘緣生論

右詳解十二緣生法門

三十五佛名禮懺文

右本出烏波離所聞經能淨業障重罪現  
生所求禪定解脫皆得滿足五天竺國修

大乘人六時禮懺不闕功德廣大不能盡

錄

阿閦如來念誦供養法

金剛壽命陀羅尼念誦法

聖闍曼德迦威怒王神驗法

觀自在如意輪念誦儀

普賢金剛薩埵念誦儀

不動尊威怒王使者念誦法

卷九  
上十

大聖天歡喜雙身夜迦法

觀自在大悲法門

金剛頂瑜伽分別聖位修證法門

右九經各各說持誦供養印壇祈願種種

祕妙法門

五字陀羅尼頌

金剛頂超勝三界經

金剛頂經文殊菩薩法一品

右並說文殊五字呪功德殊勝法門

文殊讚佛禮

右文殊四十禮讚佛功德

金剛頂瑜伽三十七禮

右禮五佛諸大菩薩名號出生功德滅罪法

百千頌大集經地藏菩薩請問法身讚

右說法身法界菩提涅槃二乘十地二覺功德

普賢菩薩行願讚

右是普賢行願品略偈首尾不具經後有速疾滿普賢行願陀羅尼云日誦普賢行願後誦此真言一徧普賢行願悉皆圓滿速得三昧現前福慧二嚴速疾成就

受菩提心戒儀

右說最上乘受戒懺悔法

大虛空藏菩薩念誦法

金剛頂勝初瑜伽念誦法

瑜伽蓮華部念誦法

成就妙法蓮華觀智儀軌

仁王般若儀軌

甘露軍荼利念誦儀軌

一字頂輪王念誦儀

大孔雀明王畫像儀軌

大樂金剛薩埵修行儀軌

無量壽修行供養儀軌

佛頂尊勝陀羅尼念誦儀軌

金剛手光明灌頂儀軌

金剛頂蓮華部心念儀軌  
觀自在心真言觀行執儀

金剛頂略出念誦儀

金剛頂經一字頂輪王一切時處念誦儀

他化自在天理趣會普賢儀軌

大威怒鳥鴟迦磨儀軌

右十八念誦儀軌並不空出各各說持誦

本經修行儀軌

金剛王菩薩祕密念誦儀軌

右不空譯初云我今愍念一切求等覺者  
不知此祕密瑜伽速成佛法於三大阿僧  
祇忍諸苦行不至菩提故於金剛頂百千  
頌中略說毗盧遮那如來自性成就法身  
金剛界大圓鏡智流出他受用異名金剛  
第十九  
王菩薩念誦儀軌以三密修行大印等令  
十二  
真言行菩薩速證等覺之位

金剛頂瑜伽五祕密修行念誦儀軌

右說金剛頂經百千頌十八會瑜伽演頓  
證如來內功德祕要若不五部五密曼茶

羅加持自有漏三業身能度無邊有情無  
有是處以祕密加持威德力故於須臾頃  
當證無量三昧得一大阿僧祇劫所集福

慧則爲生在佛家從佛口生從法化生受  
得廣大甚深不思議法超越三乘十地修  
持法門詳如本經

金剛頂瑜伽護摩儀軌

右廣說護持多種如大瑜伽經今略說五  
種謂息災增益降伏勾召敬愛護摩爐形  
量方圓大小深闊畫五部壇位各有種種

法相面向方位加持時分建壇擇地供養  
印呪法各差別此三世佛祕密法門皆須  
精曉勤敬修習無不成就

修習般若波羅蜜菩薩觀行念誦儀

右初頌云運心徧法界一切佛刹海廣多

岱九

十三

供養具宮殿衆樓閣種種寶莊嚴徧滿虛  
空界如空刹土爾如刹佛亦然如佛法亦  
爾如法供養然一切皆無量十方無邊刹  
敬禮諸如來入般若甚深體性三摩地現  
大月輪量同法界光明普照寂然清涼悲

愍有情三界熾然如一子想未度者庶未  
安者安未涅槃者令得涅槃種種加持法  
門有大殊勝功德

結集正教住持遺法儀六卷 紿

右尊者羅睺羅記沙門道宣譯初序結集

儀式二序天人偈頌三序結集付囑相篇  
大迦葉問阿難答諸經首尾當安何語入  
部列衆先後次叙分布舍利牙印爪髮衣  
鉢杖錫坐具金瓶付囑安布置何處住持  
遺法利樂衆生過去諸佛傳付法衣剝刀

經函寶塔等斷著毛羽衣斷用寶鉢斷食

肉等二十九緣

食施獲五福報經

施餓鬼食經

金剛壽命陀羅尼經

右三經與開元錄經本同

瑜伽金剛頂注釋字母品

右略解一切法不生名義性相等皆不可

得

大藏聖教法寶標目卷第九

音釋

緇莊持切 繪黃外切 纏黑也 繢畫也 纏言紀 稔古旱 稔水莖也 槐切  
胡慣切 瘦瘻徒金切 瘦瘻於禁切 淋淋力尋切 淚即擊切 穢穰汝陽切  
木名也 瘦瘻徒金切 淋淋力尋切 淚即擊切 穢穰汝陽切